

**Bosna i Hercegovina  
Federacija Bosne i Hercegovine  
Tuzlanski kanton  
Grad Tuzla**



**Služba za kulturu, sport, mlade i  
socijalnu zaštitu**

Broj: 17/11-10471-2021  
Tuzla, 23.07.2021. godine

Na osnovu člana 5. Pravilnika o kriterijima i postupku raspodjele finansijskih sredstava sa pozicije „Grant za neprofitne organizacije - podrška radu udruženjima“ („Službeni glasnik Grada Tuzla“, broj: 8/21) i Programa utroška sredstava iz Budžeta Grada Tuzla za 2021. godinu sa pozicije „Grant za neprofitne organizacije-podrška radu udruženjima“, broj: 17-353/21 od 19.07.2021. godine, Služba za kulturu, sport, mlade i socijalnu zaštitu Grada Tuzla, dana 23.07.2021. godine, objavljuje:

**JAVNI POZIV  
za raspodjelu finansijskih sredstava sa pozicije „Grant za neprofitne  
organizacije-podrška radu udruženjima“**

**I - Predmet javnog poziva**

Predmet javnog poziva je dodjela sredstava iz Budžeta Grada Tuzla za 2021. godinu sa pozicije „Grant za neprofitne organizacije-podrška radu udruženjima“ u iznosu od 30.000,00 KM. Sredstva se dodjeljuju za podršku u radu za neprofitne organizacije čije članstvo čine osobe sa invaliditetom te roditelji djece koja boluju od teških ili trajnih oboljenja.

Iz odobrenih budžetskih sredstva aplikanti mogu finansirati osnovne troškove rada koji su nastali u toku tekuće godine a koji se odnose na zakup poslovnih prostorija, režijske troškove i angažovanje administrativno-tehničkog osoblja.

**II - Minimalan i maksimalan iznos sredstava koja se mogu dodijeliti neprofitnoj organizaciji**

Minimalan iznos sredstava za dodjelu po jednoj aplikaciji u okviru ovog Javnog poziva je 2.000,00 KM a maksimalan 10.000,00 KM.

**III - Pravo učešća**

Pravo na dodjelu sredstava po ovom Javnom pozivu mogu ostvariti neprofitne organizacije sa sjedištem na području grada Tuzle čija je osnovna djelatnost, u skladu sa rješenjem o upisu u Registar, usmjerena na poboljšanje položaja osoba sa invaliditetom te djece koja boluju od teških i trajnih oboljenja (u daljem tekstu: aplikanti) koje ispunjavaju sljedeće opće uslove:

- a) da su osnovani i registrovani u Bosni i Hercegovini,
- b) da su vođeni od strane državljana Bosne i Hercegovine,
- c) da ne obavljaju aktivnosti u ime političkih partija,
- d) da svoje aktivnosti realizuju na području grada Tuzle.

**IV - Prijavna dokumentacija**

Prijava na Javni poziv podnosi se na propisanom prijavnom obrascu koji je objavljen u prilogu ovog Javnog poziva na zvaničnoj internet stranici Grada Tuzle ([grad.tuzla.ba](http://grad.tuzla.ba)).

Prilikom apliciranja na javni poziv za finansiranje aktivnosti aplikanti su obavezni dostaviti sljedeće:  
Uz prijavu aplikanti su obavezni dostaviti sljedeće:

1. Popunjen prijavni obrazac sa sljedećim sadržajima:
  - a) naziv neprofitne organizacije,
  - b) godina osnivanja neprofitne organizacije,
  - c) broj stalno zaposlenih, broj angažovanog osoblja po drugim osnovama,
  - d) ukupan broj aktivnih članova organizacije sa područja grada Tuzle, sa podacima o stepenu invaliditeta i starosnoj strukturi,
  - e) vlasnički status i kvadratura prostora koji organizacija koristi u svom radu,
2. Detaljno razrađen finansijski plan osnovnih troškova koji su neophodni za rad neprofitne organizacije, na propisanom obrascu za budžet potpisanom od strane odgovorne osobe,

3. Rješenje o upisu u Registar,
4. Identifikacioni broj,
5. Uvjerenje o izmirenim obavezama prema javnim prihodima (original ili ovjereni kopija iz Poreske uprave, ne starije od 30 dana od dana objave javnog poziva),
6. Završni godišnji finansijski izvještaj za prethodnu godinu sa pečatom AFIP-a (bilans stanja i bilans uspjeha),
7. Kopija lične karte ili uvjerenja o državljanstvu lica ovlaštenog za zastupanje,
8. Kratak opis projekata realizovanih tokom prethodne četiri godine,
9. Podatke o stručnosti zaposlenih u organizaciji (kraći CV),
10. Zvaničan dokument banke o otvaranju transakcijskog računa aplikanta.

Aplikant uz prijavu dostavlja fotokopije tražene dokumentacije (osim dokumentacije iz tačke 5. prethodnog stava koja treba biti u originalu ili ovjerenj fotografiji) a originalni dokumenti po potrebi će biti zatraženi na uvid ukoliko sredstva budu odobrena.

Nepotpuna dokumentacija i dokumentacija dostavljena izvan predviđenog roka, neće se uzeti u razmatranje. Neće se uzeti u razmatranje ni prijave aplikantata:

- a) koji nisu izvršili svoje obaveze po ranije doznačenim (odobrenim) finansijskim sredstvima Grada Tuzle,
- b) čiji je rad usmjeren prema političkim aktivnostima,
- c) koje su namjenjene za isključivu dobit pojedinca,
- d) u kojima namjena sredstava nije definisana u skladu sa tačkom III, stav 2 Javnog poziva (nije usmjerena na poboljšanje položaja osoba sa invaliditetom te djece koja boluju od teških i trajnih oboljenja).

#### **V - Osnovni kriteriji odabira**

Osnovni kriteriji odabira određeni su Pravilnikom o kriterijima i postupku raspodjele finansijskih sredstava sa pozicije „Grant za neprofitne organizacije - podrška radu udruženjima“ („Službeni glasnik Grada Tuzla“, broj: 8/21).

#### **VI - Mjesto i rok dostave prijave na javni poziv**

Prijave na Javni poziv sa pratećom dokumentacijom aplikanti dostavljaju u zatvorenoj koverti preporučenom poštom ili predaju lično u Centar za pružanje usluga građanima (šalter sala) u zgradi Gradske uprave na adresu:

**GRAD TUZLA**  
**Služba za kulturu, sport, mlade i socijalnu zaštitu**  
**Ulica ZAVNOBIH-a broj 11**  
**75000 Tuzla**  
**„JAVNI POZIV**  
**za finansiranje aktivnosti pojedinaca iz oblasti kulture“**  
**- Ne otvarati“**

Javni poziv je otvoren 21 dan od dana objavljivanja, a krajnji **rok za predaju aplikacija je 13.08.2021. godine**. Aplikacije koje budu pristigle poslije navedenog roka razmatraće se jedino u slučaju da poštanski žig ukazuje na datum slanja prije zvaničnog isteka roka. Aplikacije poslone na bilo koji drugi način (npr. faksom ili e-mailom) neće biti uzete u razmatranje. **Vanjska strana koverta mora sadržavati naziv javnog poziva, naziv granta na koji se aplicira i naznakom “NE OTVARATI PRIJE ZVANIČNOG OTVARANJA”.**

#### **VI - Način objavljivanja rezultata**

Sa aplikantima koji zadovolje uslove propisane Javnim pozivom nadležna Služba zaključit će ugovor kojim će se regulisati međusobna prava i obaveze u pogledu dodjele i načina korištenja sredstava na ime finansiranja predložene aktivnosti.

Sve dodatne informacije o načinu i postupku učešća na Javnom pozivu mogu se dobiti u Službi za kulturu, sport, mlade i socijalnu zaštitu Grada Tuzle, putem telefona: 035 307-327, 307-317 i 307-415, te slanjem pitanja na e-mail adresu: asja@tuzla.ba, sa naznakom „Za Javni poziv“.

**Služba za kulturu, sport,  
mlade i socijalnu zaštitu**